

# „Koldaardstra” to Goattum by Grou bibuorke troch bruorren De Groot

Oan de súdkant fan Grou fynt men in stik of hwat pleatsen dy’t meielkoar Goattum foarmje. Ik siz dit mar yn it foar omdat it my in pear kear bard is, dat wylst ik by de minskensiet to praten, men echt fan bittinken wie dat it krekt harren pleats west hat dy’t oan de streek, om my it gehucht, de namme jown hie.

Sa ek op Goattum; ik ha by twa boeren west dy’t beide mienden dat fan âlds harren pleats Goattum west hat. Sels, wylst se de oare namme witte, wurdt oannommen dat it fan âlds dochs Goattum west hat.

Ik haw sein dat ik dit foarearst noch net oannimme koe, mar by in mear deskundige ris neifreegje soe.

Noch dyselde joun ha ik hjiroer mei de hear Oepke Santema praet en

dy sei: soks rëst foarearst op in misbigryp, ik bin it mei jo iens, eltse pleats dêr hat in eigenname en meielkoar foarmje se Goattum”.

Myne reis wie dan nei Goattum ta en de earste pleats op myn list wie „Koldaardstra”. Om yn Goattum to kommen wie der ek gâns hwat foroare. Yn myn skoaljierren kaem ik noch al ris op „Koldaardstra”, de pleats fan Adam Thomas, dêr wenne Thomas dy’t by my yn ‘e klasse siet en hwer’t ik noch wol ris op woansdeitomiddei hinne gong to boartsjen.

Nou fytst men de Mr. P. J. Troelstrawei lâns. Men wurdt mei in pont oer it nije kanael set en rydt dan oer de förhurde dyk fierder nei de

pleatsen ta. Yn myn jonge jierren rounen we oer Zevenhuizen, it strijtpaedsje lâns, dat oanlein wie om by de wetterlieding to kommen, noch in kear oer in heech brechje, dan in pear stikken lân troch en dan wie men by „Koldaardstra”.

Ek oan dizze kant fan Grou gâns foroaring. Ien ding is bleaun, de pleats hwer’t it my om to dwaen wie, alhoewol fortimmere, dy wie der noch. Doe’t ik it hiem opfytste trof ik de beide bruorren De Groot en har heit by de kûlebult.

„Lokkich” tocht ik, „dat ik wit by hwa’t ik bin, ik ha mei dizze man yn ‘e skoalbanken sitten”. Mar as ik dan bitink dat der hast 60 jier tusken dy skoalle en nou lizze, dan moat ik oannimme dat der ek oan my wol it ien en oar foroare wêze sil.

Wy fûstkje en sizze, „dat is algâns in skoft lyn dat wy mei elkoar praten ha”. Der is mear foroare: it dou fan de bernejierren driget oer to gean yn it Jo fan forfremdzjen troch it tiidrek dat der tusken leit.

Lykwols binne wy gau meielkoar op dré „jeugdherinneringen” en it doel fan myn reis, de pleats en syn biwenners.

„Jo komme moai op tiid”, seit ien fan de bruorren. „It is tiid foar kofje”.

Sa stapten wy op’e pleats ta en doe’t wy efterhûs stiene bleau Thomas de Groot stean en wiisde nei boppen. Der stie efter op’e pleats, op it úleboerd in wynwizer, it wie yn’je foarm fan in flagge, ik tink fan koper. Dêrym wie útsnien in man mei oan de iene kant in tsjerne, de oare kant in bûterfet, en der boppe like wol in tsiis útbyld to wêzen. Hiel boppean wiene de letters R-K aanbrocht.

„Soks sjocht men net folle”, sei Thomas de Groot. „Mar hjiroer moat foarhinne in Ruurd Koopmans wenne hawwe, hy wie neist boer ek in forneamd bûter- en tsiiskeapman”.

Yndied bin ik by it neisykjen fan de andere biwenners, disse Ruurd

Koopmans tsjinkommen. Dêroer letter.

Wy sieten al gay yn’je hûs by de jonge boerinne oan’je kofje en doe kamen de forhalen earst goed los en wiene it foaral de beide skoalkammeraten út it earst fan dizze ieu dy’ it measte to fortellen hie-

ne.

„Witst noch wol”, sa kamen de âlde skoalforhalen boppe tusken Thomas de Groot en my. „Mar”, sa andere ik in kear, „ik bin hjiroer kommen foar dingen dy’t ik net wit en dat is de pleats en syn eardere biwenners”.

„Nou, dêr it ik ek it measte net fan; foar ús heit, dy’t hjiroer yn 1887 kommen is, moat der in Waalkes wenne hawwe en dêrfoar in Klaas Postma, mar mear wit ik ek net”.

„Koldaarstra” hat in ien stimdrageende pleats west en komt yn de stim- en floreenkohieren fan Grou foar ûnder nû. 15.

Eigeners en brûkers hawwe west:

1640 Juff. Cunira van Aisma.

1698 J. Tiberius van Eminga tot Goutum eigener, Saake Sytzes brûker.

1708—1718 Tiberius Pipinius v. Eminga— eigener, Saake Sytzes brûker.

1728—1738 Dr. Reininga widd.-eignerske, Zijtse Sakes brûker.

1748—1758 Selde eignerske, Bauke Ates brûker.

1768 Juff. Anne Mauter, widd. dr. Stinstra silger en de hear Jacobus Heslinga cum Uskoris eigeners, Bauke Ates brûker.

1778 Selde eigeners, Bauke Wytzes brûker.

1788 Landssecretaris. Arend Joh. v. Sminia eigener, Tjitze Jacobs brûker.

1798 Ruurd Rintjes Coopmans eigeners en brûker. Ut de tiid dat dizze Ruurd Coopmans hjiroer wenne

moat de wynwizer ôfkomstich wêze, hwerter ik foarige wike hwat forteld ha. Thomas de Groat wist ek noch to fortellen dat yn de âlde foarein by de opkeamer in apart keammerke wie, dat yn de tiid fan Ruurd Rintjes Coopmans brûkt waerd foar kantoar.

1818 Selde eigener en brûker; nou wie it net meer Coopmans mei in C, maar Koopmans mei in K. en dat paste ek by de letters yn de wynwizer.

1828 Jetske R. Koopmans eigner-ske. Ide M. Visser brûker.

1838 Selde eigener en brûker.

1848 Jetske en Idske Visser eige-ners, Antje M. Koldyk brûker.

1858 Selde eigener, Klaas Postma brûker. Oan't safier de floreenkohie-ren. „Koldaarstra” hie 46 pouns-miet floreenplichtich lân.

Lettere biwenners hawwe west:

Fan 1882—1887 famylje Waalkes.

1887—1920 Adam Thomas de Groat en Antje Jans de Groat.

1920—1957 Thomas Adams de Groat en Wiepke Huisman.

1957—1964 Wiebe Thomas de Groat en Johanna Groenveld, dy't op 'e pleats wenje en buorkje mei Adam Thomas de Groat en Aukje v. d. Meulen. Dizze lêsten wenje to Grou yn 'e buorren.

Die pleats is nou 76 pounsmiet en der wurde 27 melke kij hâlden. Earder wie dêr 88 pounsmiet lân by, mar ek „Koldaarstra” hat in offer bringe moatten aan it forkear en doarpsútwareiding. It Prinses Margrietkanaal is troch de pleats groeven en it lân oan 'e noardkant der fan it bauterrein wurden. De opkeamer is fuort, yn 1930 is de foarein fortimmere en nou is Koldaarstra in stjelp wurden (spitich). De lêste tiid is eigener dokter W. B. v. d. Meer en dêrfoar syn heit en ek syn pa-ke.

Ik winskje de bruorren De Groat ta dat de bân mei Koldaarstra, hwer't se nou as tredde geslacht út de famylje buorkje noch lang biwarre bliuwe mei.

d. H.

